



12228

雪
林
刪
餘



序

昔丹山先生嘗簡余曰子推敲餘暇肯爲魏詔
一忙當使詩聲不至窮工而已此丹山鍼砭語
也奈予吟入膏肓竟弗能納丹山數字之藥茲
病予固痼矣猶慮移病於吾子畊老蓋恐其舉
業生魔益負丹山之言子每當撚髭之頃雖一
辭不許畊老與聞焉一日畊老來前曰吾翁苦
吟至此編帙非不鉞且鉅矣所以深自得者凡
幾篇敢效問詩之請予曰予自髫鬣癖吟所積

雪林刪餘序

一
讀畫齋正本

橐四十年凡刪改者數四比承芸居先生又爲
摘爲小編特不過十中之一耳其間一聯之瑤
一句之琢一字之鍊一意之鎔政猶強弓率滿
度不中不發發必中的今畊老猶以弱弓浪箭
妄發期中目之多見其不知予吟也畊老且曰
某未酬父生師教之大者固不敢學翁之吟詎
可不識翁之吟畊老乃宛於問詩者予遂再挽
芸居先生就摘橐中拈出律絕各數首名曰刪
餘以授畊老芸居所刪非爲蕪滓設特在少而

不在多耳俾畊老囊螢映雪之暇時一研覃少
識予苦吟之心可已若夫學詩則自有先夫子
所刪三百篇又奚取予之刪餘寶祐第三春
聖天子下賓興之詔日雪林張至龍書

臨安府棚北大街睦親坊南陳解元書籍鋪刊印

雪林刪餘序

二 讀畫齋正本

雪林刪餘

建人 張至龍 季靈

宿靈巖

樹杪鐘樓出半層
佛牀黠鼠弄殘燈
五更石上僧猶定
頭滿清霜喚不應

登東山懷朱靜佳

布石行山礪雲封
竹洞名照池傳古貌
借箸數同庚
禽鬪巢幾覆
蛛閒網半成
冬深猶見菊
還憶晉淵明

雪林刪餘

一 讀畫齋正本

塞上曲

匣里干將午夜鳴
碧油幢下夢魂驚
沙場燐火風吹起
半在骷髏眼底明

紫微閣贈凌丹士

風林葉葉帶新寒
已著蠶鹽客味酸
兔抱粟眠傳道石
鹿銜花上拜章壇
浴崖取水
和冰嚼掃壁題詩
當畫看盡
日元房無俗話
山鐘敲月上關干

送鏡山僧遊雪峯

海風迎鐵錫半是水爲程故國往來熟空門宿
食清舊房雲借住早路月同行象骨最高處師
今履似平

齊雲寺

雨疎分點下略約界橫塘接竹通生水蹇蘿補
壞牆字塗窻眼黑香染佛衣黃未晚螢先出蕭
然兩畫廊

化龍閣

鐫滿畱題屋柱閒風吹醉面不知寒漁舟撐出

雪林刪餘

二 讀畫齋正本

垂楊岸鷺鷥銜魚過別灘

弔蝶

數日偎紅氣力慵化成長夢別春風卻憐蟻爲
埋香玉鼻入殘花土穴中

寄胡竹洲

野菜生根土亦香寒林晴久漏春陽山臨古畫
開當戶蝸學臨書篆滿牆密竹旋刪嫌礙月青
柑遲摘待經霜兒童閒取池頭水剗破琉璃綠

一方

題白沙驛

霧裏峯頭薄似巾路逢水後誤行人山泉釀酒
力偏重石銚煎茶味最真燕不傳家猶教子梅
纔有肉便生仁枕邊覺夢人方悟未到鐘聲夢
更頻

贈劉介菴

一心憂道不開眉懶扣黃扉謁故知有累祇因
難棄鶴無疑何用苦求龜常厨飲食夷齊輩晚
筆文章漢魏時冷笑富家錢塞屋蘭亭誰更有

雪林刑餘

三讀書齋正本

眞碑

馬升菴惠菊苗

稅得隣東地一方旋栽黃菊待重陽春晨摘落
青苗葉掇作秋花氣味香

東林寺

滿院香風乍熟楂猴孫抱子坐枯槎頭陀不慣
迎賓客自折芙蓉供釋迦

李梅礪雪夜畱飲

擁爐收案牘市遠隔喧譁妓唱新填曲僮分旋

碾茶花枝承雪重
燭焰受風斜
傲屋爲官舍
更深酒更賒

宿易沖妙道院

松髮經寒亂不梳
夜來風滅屋茆疎
吟邊凍指僵如鐵
袖裏枯筇畫雪書

朱柏巖約南歸

忍聞秋管悲猶未
定歸期吟咏窮邊長
艱難老後知水寒
魚上少月閩雁來遲
不作膏梁夢長令一劍隨

雪林刪餘

四讀畫齋正本

橫峯感事

石角多情挽布衣
候蟲送響出林微
文章首面趨時好
字學偏旁徇俗非
綠水被風吹作白
密花因雨打教稀
歸鴉路熟知巢近
直望松林盡翅飛

苔黃芳洲

抱膝書樓望太清
一生心事月同明
因過鄰寺分茶供
閒取高僧史傳評

餞翁丹山發南浦

鳴鳩語燕近清明柳絮風輕秧水平一帶春流
多斷岸盡緣倒樹當橋行

點史

水草山花各自春閒居常謹坐船身忠言似藥
偏鑿國好句如金不療貧王伯興亡難諱史彭
殤壽夭不由人感來莫計更深淺祇見蒼頭換
燭頻

採蓮曲二首

荷葉籠頭學道情花妝那似妾妝清雙雙頭白

雪林刪餘

五讀畫齋正本

猶交頸翻笑鴛鴦不老成
拗落圓房響釧金背人細數子藏深不嫌到手
多尖刺祇怕傷人有苦心

子期臺

拾葉題詩媿不才袖遮微日上層臺山僧分我
松陰坐隔岸花香渡水來

武夷山

九折蒼江轉葦航花閒流水自宮商巖開天綫
登無路殿鏤僊金拜有光曝背龜從平石上避

人猴向險枝藏斷橋盍有重紅日狂欲乘風扣
魏王

擬韓渥體

一聲阿鵲顫鸞雙學調新詞未得腔拜了夜香
郎喚睡旋收鍼綫背銀缸

題隱者壁

寒著麻衣餒食薇樂山清興只琴知蛛經圓網
當中立蜂徙新厨出外飛山脊倚天無改日草
根埋雪有青時莫言鴻燕多相背去去來來共

雪林刪餘

六 讀畫齋正本

一機

雨中過陸家園

斜搭鞦韆窻半扃行人屐送隔牆聲羣花相倚
啼妝面若不催晴怨懶鶯

寄茗川故人

千古長情抵翠岑休談點石化黃金秋來國事
方嘗膽病後禪機忽上心老眼看書嫌字細乾
喉飲酒喜杯深幾迴空檢斑衣篋望斷白雲天
外陰

晚窻

風約鐘聲落耳根歸鴉點點不成羣前山野燒
青煙起散滿空中作暮雲

喜楊琴隱至

世塗多不平擇地度吾生風靜花遲落雲移月
倒行自鈔閒作改客借古琴評凡事虛空裏何
勞苦著情

寄寶林僧

磨折英雄輩無停日月梭達人愁夢少明主直

雪林刪餘

言多藥試單方驗碑評近本譌吟成無愛者寄

與病僧哦

巴嶺

處處柴門掩半邊鶯啼綠樹隔炊煙竹梯閒倚
柔桑畔定是人家蠶已眠

楚節西堂省菊

菊胎綠蕊未曾成百種藜中半忘名試檢記花
牌字看春籬醉墨欠分明

槎

槁形冷度幾晨昏不受東風一點恩卻有仙人
求作伴浪游星渚到天門

古別離

扶上花驄酒半醺望沈鞭影暗銷魂離情恐被
行人覺背拂菱花補淚痕

峽口

峽深猶有路泉遠不知源禽學鄉談語山填野
燒痕晚風樵笛塢春日酒旗村茆舍人畊罷鳧
雛浴水渾

雪林刪餘

八讀畫齋正本

北津

獨立長橋喜近城半闌斜日又催行船過別浦
波痕沒堠立當塗里界明古木雲邊僧住處落
花風裏鳥啼聲青山莫道渾無事自與行人管
送迎

江常菴出武夷

厭居京洛說行持袖裏青蛇上武夷仙爲寫眞
供御覽天憐病眼召神醫江中白石差龍跡洞
裏蒼松帶鶴移無事出山衣屨溼滿城風雨菊

花時

晚步寄劉徵齋

縱橫展齒印蒼苔夢筆山高翠作堆日帶晚光
歸海去風傳秋信下天來竹開小路通螢過松
守空巢待鶴回蚋蠶乾坤還自樂何須金屋玉
樓臺

簡勝上人

林深嵐氣重一犬吠寒煙高思天雲外新房柏
樹邊愛蒲葺石種惜茗瀘泉煎昔枒如來殿老

雪林刪餘

九讀書齋正本

於師一年

演雅十章

麒麟感世出鳳凰覽德至人苟嘗見之應不指
爲瑞

獨牢
稠蛛巧經網林鳩拙營巢孰知拙反勝網壞巢

久長
雀食野人田燕栖公子堂野情飢亦樂依人難

猩猩隕機弈鸚鵡鑊金籠言笑適爲累緘嘿斯

保躬

蠶飽辦絲課蜂忙供蜜工役役爲人勞衣食還
自空

鵲鳴人共憐烏鳴人共嫉祇因聲妍媸何心報
凶吉

江鱗行比目沙鴛睡交頸不知山兔寒清夜顧
蟾影

飢鷹健搏兔饒鷺勤哺魚各爲口腹累不聞有
騶虞

雪林刪餘

十讀畫齋正本

犬眠蒼玉地猫臥香綺叢倘無鼠與盜猫犬命
亦窮

墨魚黑覆形火螢明照身拙於用顯晦蹤跡徒
自陳

寓興十首

孤鐙照長夜膏盡燈影滅劃見窻戶閒鮮鮮有
明月

日夜江水流下海水不止孰謂流去者不是海
中水

東日照瓦霜西嚮界餘白莫言日不到日光來
未及

遲月上深夜新蟾不終夕何如月圓時通宵照
無極

種菊一百叢九月開盈枝莫言無好花好花開
較遲

庭前無繁植疎竹附梅坡雖然無巨蔭明月飛
來多

草蟲設細網小窳不可見日日朝露中羣白草

雪林刪餘

十一讀畫齋正本

閒現

高風吹秋霜庭前百草死誰知草有根昨夜東
風起

夏月灌菊根見花在秋日先時不施工臨花已
何及

十年插柳枝今與高樹齊垂條綠春風上有流
鶯啼

梅花十詠

梅梢

根清條不肥影落明月地淒淒欲寒時脰暉已
生處

蓓蕾

歷歷銜冰霜綴作珠的皪香色俱渾然花中之
太極

欲開

凝成姑射姿幽潔世所獨春近迫芳心羞澀破
脣玉

半開

雪林刪餘

三讀畫齋正本

五出梢敷露不受塵目愛鮮鮮著精神獨於此
時最

全開

昨夜東風多花神莫之禦玉立對幽人十分盡
情吐

欲謝

垂垂雪中枝暗裏度香遠忽動調羹機黏枝花
力軟

半謝

旋隨瓊霏飛繞我茆屋角結子意漸濃豈爲羌
管落

全謝

冰花不畱丁收香盡藏白一朝作陳人遜與桃
李出

小實

青青長朱裳小摘脆不墮勿欺如豆微中懷仁
已大

大實

雪林刪餘

十三讀畫齋正本

圓碧日益肥磊落壓枝重雖然苦味酸酸中藏
大用

雪林刪餘

癖

齋

小

集



癖齋小集

金華杜旃仲高

白雲在南山

白雲在南山幽鳥乘風飛鳥飛不能遠雲高邈
難依園中亦有菊堂後那無萱遊子不得歸銜
悲欲何言

綠珠行

蜀絲殷空金作谷珊瑚成林珠百斛彼姝千花
萬花簇明月出胎照波綠鏡中飛鸞掌中身夜

癖齋小集

一讀畫齋正本

月春風看不足悲歡倚伏禍福西里憐顰東
市戮願將舊意奉新人此別它生定難卜君因
妾死莫多怨妾死君前君眼見高樓直下如海
深璧玉一碎沙中沈平時感君愛妾貌今日令
君知妾心

同平父園中卽事

季冬少寒凜霜薄日色明訪我會心友相攜園
中行菜甲長疎花梅枝綴初英潛魚戲晴波寒
雀暖有聲小步極退覽閒吟暘幽情語言接繼

綖意適體自輕歲華晚更好景趣靜始并俯仰
物態閒聊與同春榮

明鏡行

明鏡照形不照影明月照影不照心朱絲委地
流水咽寶劍挂壁蛟龍吟二桃畫謀恩義絕慘
慘嚴霜飛六月銜石海可填鍊石天可補君非
食蓮的安知此心苦

上徐子宜侍郎二絕

當年金屋誤承恩自倚容華託至尊風外遊絲

澹齋小集

二讀畫齋正本

難繫日依然青草暗長門

猿臂將軍戰不休當時部曲亦封侯夜涼忽夢

燕山月猶幸君恩晚見收

九日懷陳舍人

白髮江湖暗青燈几席涼窮塗幾半百佳節又
重陽命也吾何奈天乎孰可量元龍樓百尺猶
足慰行藏

蔗境菴二絕

世事多端好備嘗未能悅口勿輕忘結交莫厭

初年淡晚節相看味始長

美惡初終自不同
新人那念舊人容
君知食蔗逢佳境
不念人間有菲葑

別江陰宰魏元長兼呈王木叔史君

荆山抱璞自遭毀
漠漠胡沙埋皓齒
咸韶正音或出爨
下桐千年憤鐵一日變化成蛟龍
人生相歡貴知己
心不相知異生死
豈不見豫遜不報中行氏
又不見聶政殺身酬仲子

滄海終可填
太行竟能移
丈夫殺身爲感激
有

癡齋小集

三讀畫齋正本

恩不報非男兒
意氣磨日月
感遇由一時
齊威九合諸侯盟
黃河倒流五嶽傾
楚茅入貢民冠帶
金繩玉檢思告成
高臺已荒曲沼旣平不見夷吾功
但聞鮑叔名

賦賢已錄

靜觀趙史君喜棋有是錄約余賦詩

物理因人創
神機自古傳
揚雄嗟有法
孔子歎猶賢
勝負存虛實
初終謹後先
按圖嚴畫井
起數象
周天百戰期
爭道三隅察
守邊開基思
漢祖復土想
周宣審勢攻
無備沈機救
未然勝心

遊碧落幽思及黃泉冒利魚貪餌乘虛雁落弦
紛爭忘父子迷惑到神仙守必防重柝攻須出
萬全妄興侵伐意私擅殺生權給弄心懷詐包
藏智益玄甘辭韜甲冑險志匿山川諱忌真情
露矜誇小數專怯圍潛卻步貪得暗垂涎見逼
難思進相持莫敢前蹈危鬚捋虎役志耳鳴蟬
意滿渾忘食神馳更廢眠弱形遭毒手短節不
空拳悔誤徒批頰矜高欲比肩禍胎還隱伏陣
勢漫絲延詭道非存正羸師合忌堅設心踰虺

癡齋小集

四讀畫齋正本

蜴攫子甚烏鳶造妙羣心妬趨亡衆目憐淺謀
徒躁進重地莫輕捐黑白材因見雌黃論豈偏
高人眞託興遠見始忘筌鑑戒無忘此防虞蓋
有焉請看奕碁句何愧鬪雞篇

山有狙行

山有狙不可馴山有虎不可親狙詐匪懷德虎
飢須噬人死生託良馬信厚稱瑞麟野性定難
保猛獸終不仁

王粲宅

春風佳人命多薄深宮井冷梧桐落江邊百尺
斷魂樓未比鷓鴣一枝託漢家待士禮意失黨
獄淪胥生鼎鑊南山豆萁苦燒焚鸚鵡洲邊埋
一鶚丈夫擇木豈無術何爾依劉燕巢幕君不
見平時子房侍帷幄一語不投斃文若登樓此
日誠可哀亦恐從軍未爲樂

書懷呈鍾君祿吏部

君不見黃河之水能上天白髮一變無由立人
生住世無百年倏忽變化空中煙眼前富貴背
年少悲苦常多少歡笑抽弦趣柱向君彈宛轉

淒涼不成調

持心託明月明月照影不照心彈劒發長歌歌
長宛轉多苦音瀉水東西南北流昔日年少今
白頭欲對君前歌此曲恐君淚下不能收

勿除蔓行

蔓草君勿除葉蒂相連牽春風共滋長秋露同
衰殘庭前梅花樹一種同根生南枝暖北枝寒
讀杜詩斐然有作

王澤久淪浹正聲皆雅言百川忽西流青黃雜
犧樽騷經吹死灰明燭日月昏綺麗兆建安淳
古還開元夫子握元氣大音發胚暉明婁失毫
芒神犧隘乾坤再變六義彰一日五典廟諱上該
周南風下返湘水魂仲尼不容刪餘子何足吞
五季兵戈繁嘲啮蟲鳥喧頽波旣瀾漫新奇尚
西崑吻喙生譏評神鬼懷憤冤王蘇發醯饗黃
陳窮河源煌煌百年閒後學同推尊時時或嘗
鼎往往猶戴盆傲摹惑銅盤箋釋譌金根顧子
諸孫斯文誠儻存庶以起九原

紙被一首

疎布裊敗綿破碎錯經緯巖風過強弩終夜縮
如蝟剝溪楮夫子益友吾所畏策勳在覆冒周
密罕儔彙隱然萬里城可卻戎馬氣脈髓益春
溫濁酒有醲味直躬免拳跼夜氣益洪毅吳宮
鳳花錦伐命可歔歔物微用匪薄道在窮不諱

縑袍可終身狐貉不足貴

陸務觀赴召

四海文章陸放翁百年漁釣兩龜蒙數開天地
吾何與老作春秋道未窮李耳守官逾二代張
蒼職史到三公坐令嘉泰追周漢此是君王第
一功

乾隆壬寅十一月初三日宋刻校

癸齋小集

七讀畫齋正本

癸齋小集

附諸杜文

杜旂

瓊花記

余自京口至揚州尋訪舊事知世所傳后土瓊花在今城東之蕃釐觀遂往謁之故瓊花猶在然余聞紹興辛巳之變逆亮入揚州已揭其本而去何從復得此種也觀壁閒有諸公所記載直排世俗詭謂道士以聚八仙嗣其名聚八仙葉瓣香色皆不類余曾不見二花開時不知其

癖齋小集

八讀畫齋正本

類與否獨怪此本何從復得有道士鬚髯皓然言生於崇寧閒今八十有六歲矣能敘花之本末余與對坐於花亭西之上改容而問道士指花根幹而言曰此殿向之廬處也指所坐之亭曰此向無雙亭也花舊在無雙亭下當殿之西北自紹興十五年向龍圖子固固疑因殿廬面勢狹小徙置轉後則花當殿之西南更三十一年知郡事劉澤復命移花於殿之前卽今之花處是歲八月十五日也初二十四年時值花之

東南離三四尺許

此處疑有脫文

倏道士老且死後來

者無以知今花本末而疑不解故序其言而書之其閒歲月事故參錯煩委有可附見者悉不敢略以知其不誣若其地靈異甚多則未暇及也道士姓唐名太寧余貫金華杜旂紹興二年夏六月記

昭化寺記

昭化起周顯德閒歲久頽圯一僧道淵能奮空拳有立志寺土產礲薄廚空廩竭餘升斗粟以

齋齋小集

九讀畫齋正本

待朝夕乃猛力一向慨然欲起三百年之頽圯有力者壯而憐之爲乞于部于州俾以甲乙領寺事遂與其弟子祖棨辛勤上下翦荆棘埽狐兔而棟宇之其詳見於余之甲乙記浸起舊觀矣淵死棨承襲乃苦志刻勵殊不減淵在時一布縷備寒暑一菜茹免飢渴卽止至於營造梵宇窮日夜力不置募檀施捐已力起舊創新乃若整暇客至門館舍如歸其徒麤至急鳴魚鼓洗杵鉢以待自紹定辛卯至嘉熙之戊戌千佛

閣落成倏見於參差雲木之上高可若干丈深
廣稱之下闡法堂旁開丈室又稱之凡木之可
楹可棟石之可礪可琢瓦以萬計工以千計者
可縶數而上約費錢六千餘緡殆不類一頽圯
寺所能辦也以彼佛言之朮善勑可自附於開
山之鼻祖以吾儒言之朮善繼可無忝於宥堂
之冢嗣矣未易輕也若夫以小喻大由下風上
余切有慨于中今衣冠世胄族大蟬聯一朝衰
歇過者憐之生子寧馨能振迅其後不替前修

癸齋小集

十一
三頤書畫齋正本

則隆隆世胄故無恙也夫世胄亦其小者爾上
而繁劇藩府吏蠹民殘見謂難理天子下明詔
選良刺史以政事理財以仁愛撫凋瘵變愁歎
爲歌謠期月可待也夫一藩府亦其小者爾又
大而天下國家遭艱虞之運懷飢渴之憂外有
敵國外患內有法家拂士廟堂之上皆足爲宏
濟于艱之大計雖燦然復興可也不然吳夫差
之終不忘越趙武靈王之必取中山彼獨爲何
時哉在朮浮屠法不宐退轉心淳祐三年七月

日記

旂字叔高汝霖之子汝霖五子稱金華五高
叔高嘗問道于朱子與辛幼安諸人游陳同
甫云叔高之詩如干戈森立有吞虎食牛之
氣而左右發春妍以輝映于其閒可謂一時
之豪矣

癸齋小集

士讀畫齋正本

杜旂詩

嚴先生釣臺

斯人真隱處寂寞使人愁正著雙臺在還從一
老遊涼風遁陰壑斜日下滄洲灘下沈沈水潛
魚亦避鉤

癡齋小集

三讀畫齋正本

社旗

字伯高號橋齋○陳同甫云伯高奔風
逸足而鳴以和鸞仲高麗句晏叔原不
得擅美叔高戈矛森立有吞虎食牛之
象左右輝映匪獨一門之盛可謂一時
之豪

詞

醉江月 石頭城

江山如此是天開萬古東南王氣一自髻僧橫
短策坐使英雄鵲起玉樹聲銷金蓮影散多少
傷心事千年遼鶴併疑城郭非是 當日萬駟
雲屯潮生潮落處石頭孤峙人笑褚淵今齒冷

只有袁公不死斜日荒煙神州何在欲墮新亭
淚元龍老矣世閒何限餘子

摸魚兒

湖上

泛扁舟萬山環處平鋪碧浪千頃仙人憐我征
塵久借與夢游清枕風乍靜兩岸羣峯倒浸
玻瓈影樓臺相映更日薄煙輕荷花似醉飛鳥
墮寒鏡中都內羅綺千街萬井天教此地幽
勝仇池仙伯今何在隄柳幾眠還醒君試問問
此意只今更有何人領功名未竟待學 鷗夷

癡齋小集

十三讀畫齋正本

仍攜西子來動五湖興

驀山溪

春風如客可是繁華主紅紫未全開早綠遍江
南千樹一番新火多少倦游人纖腰柳不知愁
猶作風前舞小闌干外兩兩幽禽語問我不
歸家有佳人天寒日暮老來心事惟有春知江
頭路帶春來更帶春歸去

以上詞綜

杜去輕

字端甫

興教寺祭田記

王政不復民不能常有其產產之爲釋氏有者法視官有官有不通貿易故久民有不保其不貿易故不常由是人之欲以奉其先者多歸產于釋子嗚呼浮屠氏不載於祭經彼舍其親而奉他人爲德固悖今有田不以自奉其先顧乃屬之於彼可病也亦可憫也蓋人莫善于奉先奉先莫善于能久欲久而無其方必度其可久

癸齋小集

十四讀畫齋正本

者而託其久於迹若礙於號爲通苟卽其不可取而泯其可取寧不廢秉彝之初心乎秉彝所在雖顛倒橫流終不能忘故釋祖旣以割愛辭親爲教復力陳四恩之重也蘭谿興教寺僧若虛與其徒普安買田歸之於院爲其父母師長忌日之用似之矣院按舊記創自唐寶正年間去今未幾世事幾變遷院故如舊人惡得不謂其可久耶其間有擾異鱗致靈像之傳人又謂足以久其院者今更爲大丞相范公祝釐之地

庭宇由是聿新得非亦謂其可以託久乎託久
久也秉彝久也於是二者有眞久存旣書人之
所謂久者又發其眞久者併書之其將有待於
後人也若虛端實眞恬不崇浮誕別居妙智菴
人不召而自施持銀米不盛鏤斗稍有積悉以
奉衆緣大丞相雅重之其誠之感動若此是亦
有得於前所言者其徒來具道其故故爲之記
忌之日田之畝見碑陰淳祐八年二月八日

去輕字端甫仲高之子與伯高子去僞叔高

癖齋小集

圭讀畫齋正本

子去非幼高子去華皆有文名吳師道嘗跋
端甫墨跡云當宋季士競習舉子業而杜氏
一門咸尚古文今里中殘碑斷碣可見者悉
有家法字畫亦異深得山谷老人筆意

案吳正傳跋杜端甫墨跡全文云杜汝霖仁
翁學于胡安定爲李公擇所稱其孤陵陵五
子旃伯高旃仲高旃叔高旃季高旃幼高伯
高登呂成公之門同時陸務觀陳君舉葉正
則陳同甫咸稱其文淳熙開禧中兩以制科

薦有橋齋豪仲高占湖漕舉首與吳獵楊長
孺善著杜詩發微癖齋豪叔高嘗問道考亭
與辛幼安諸公遊端平中以布衣召入祕閣
校讐季幼文亦相上下幼有粹裘集葉正則
爲序人稱金華五高伯高爲最旃子去輕此
帖乃去輕手筆蓋先父碧溪翁之友宋末士
競習舉子業而杜氏一門子孫獨尚古文章
今里中殘碑斷碣可見者悉有家法下至字
畫亦異此紙深得山谷老人筆意要非不習

癖齋小集

十六讀畫齋正本

而能也

葉正則贈幼高云杜子五兄弟詞林居上頭

杜濬之詩

字若川旃之姪孫咸淳閒以春秋領鄉薦宋易世後矯行晦迹寄食西峯僧寺以終

示故人

在家同匏繫遊子似籟飛昔分參與商今作墳
與箎感子意氣殊顧我齒髮非茅屋正蕭蕭野
花亦離離無酒水可飲無飯黍可炊杲杲看朝
陽連連弄夕暉男兒重交好雪霜以爲期

述志

寧往百里步曲木不可息寧忍三日饑邪蒿不

癡齋小集

十七讀畫齋正本

可食雖云食息頃便分淑與慝志士當暮年聞
道轉歷歷要使此一身如琢復如滌整冠與納
履微嫌費疏剔未若瓜李地絕不見吾迹

書警

食李弗嫌苦食梅弗嫌酸不爲身所累且從心
所安吾分固云薄吾志亦非單靜看如山禍差
之一念閒所得甚眇眇所喪已漫漫百年修不
足一朝容易殘雖處四壁立如享萬鍾寬靜坐
明月窟濯足清風灘

以上二首見金華府志

附戴石屏復古二詩

杜仲高自鄂渚下儀真

鄂渚三千里南樓看月回東園花正好去歲客
重來兄弟皆名士文章動上台傾城傾國色也
用覓良媒

杜仲高高九萬相會

杜癖詩無敵高髯畫絕倫笑談能不朽富貴或
成塵今古多奇士乾坤幾怪民相逢不容易一
醉楚江濱

癖齋小集

大讀書齋正本

右附錄詩文一卷錢塘吳志上先生輯錄宋
刻江湖小集六十四家卽先生所藏也先生
名允嘉號石倉老人

癖齋小集

